

任孤哀獨我單潛然雙淚落飛雁影高寒

答劉相公書

太平良宰相千古能幾人青囊乃餘事不愧帝王臣得公一語重千金公書賜我我動心所言地理無人識惟我默默信其深公何爲者重賤子此恩此德提吾耳公東來時獨憾遲親骸已葬不敢起長白幹龍數千里我從小幹藏之矣不望名不望利祇望吾親安斯地穴城大山宮小山門有仙橋獲我意以此答公公諒之莫云小子強陳詞他日訪公邢州道八盤山下請公思

讀先子房傳有感

道藏輯要

三丰全集 古今詩類

五

續畢集九

紛紛六國眾諸侯掃入秦疆漢又收若使沛公如項羽子房未必肯依劉

家居無事忽有邱道人見訪臨別詩以贈之

我見先生方外來先生見我笑顏開無官自合尋黃石有客何妨共綠醅出世心從天海落入山興與岳雲回幾時佩劍攜長笛相訪高真到碧臺

遙輓劉仲晦相公時至元十一年冬月初旬也

博學其餘事今之古大臣澹然忘嗜慾高矣脫風塵舉世誰知我登朝屢薦人八盤他日過清酒奠公神

三十二歲北遊

幽冀重來感慨忘烏紗改作道人裝明朝佩劍攜琴去却上西

山望太行西山太行別阜也

上曲

疎柳蒼黃盡夕曛悠悠澁水淨塵氛芒鞋獨上堯峯頂西望常

山只白雲

恒嶽

畢昂精凝處恒山氣象高藤蘿牽絕壁松栢吼飛濤朔野何空

闊靈風乃怒號結廬仙嶺上望裏與飛豪山有望仙嶺

悠悠歌北嶽作時至元三十一年甲午歲切也

悠悠歌悠悠歌四十八歲空銷磨人生壽命能幾何株守恒山

道藏輯要

三丰全集 古今詩類

六 續畢集九

十六載燕趙往來成逝波到不如攜琴劍整笠蓑東走蓬萊唱

道歌

東遊

此身長放水雲間齊魯遨遊興自閒欲訪方壺圓嶠客神仙萬

古住三山

贈棠邑令家希孟弟

我到清河上棠花處處開老兄騎虎出吾弟割雞來政事出來

侶乾坤宰相才四知長不愧相與坐斯臺治內築有四知臺

遊岱宗步希孟弟原韻

軼蕩天門上石關人生到此拓雄觀西崖宛峙神仙阜東海誰